

**Վիճակագրական արտադրանք – Ձկնորսություն, ձկնաբուծություն, անտառային տնտեսություն  
և գյուղատնտեսական տեխնիկայի առկայություն- ամսական/եռամսյակային/տարեկան**

Գործընթացներ	Ենթագործընթացներ	Ենթագործընթացի նկարագրություն
<i>Կարիքների ձևակերպում</i>		
	1.1 Կարիքների բացահայտում	Պարբերաբար իրականացվում է ձկնորսության և ձկնաբուծության ոլորտի հետ կապված՝ վիճակագրական հաշվետվական ձևում, իսկ անտառային տնտեսության և գյուղատնտեսական տեխնիկայի հասանելիության հետ կապված՝ վարչական վիճակագրական հաշվետվական ձևերում ցուցանիշների ցանկի արդիականացում (լրամշակում, փոփոխում) կապված վիճակագրական տեղեկատվության նկատմամբ օգտագործողների պահանջարկի փոփոխության հետ:
	1.2 Խորհրդակցում և կարիքների հաստատում	Տեղեկատվության հավաքման գործընթացի հետ կապված աշխատանքային քննարկումներ են իրականացվել ինչպես ձկնորսության և ձկնաբուծության ոլորտի վերաբերյալ վիճակագրական տեղեկատվություն տրամադրող համապատասխան կազմակերպությունների ներկայացուցիչների այնպես էլ Արմստատի համար վարչական ռեգիստր հանդիսացող և անտառային տնտեսության և գյուղատնտեսական տեխնիկայի հասանելիության վերաբերյալ վարչական տեղեկատվություն տրամադրող, ՀՀ էկոնոմիկայի նախարարության մասնագետների հետ:
	1.3 Արտադրանքի նպատակների սահմանում	Պարբերաբար ուսումնասիրվում է վիճակագրական տեղեկատվության օգտագործողների կարծիքը՝ կապված ինչպես առաջարկվող նոր ցուցանիշների ընդգրկման, այնպես էլ առկա ցուցանիշների վերաբերյալ նրանց վերաբերմունքի, ակնկալիքների ու պահանջմունքների ուսումնասիրման հետ՝ ինչպես հեռախոսազանգերի, այնպես էլ Արմստատի պաշտոնական կայքում առկա «Օգտագործողների բավարարվածության հետազոտության հարցաթերթի» միջոցով (տես՝ <a href="https://www.armstat.am/am/?nid=131">https://www.armstat.am/am/?nid=131</a> հղումը):
	1.4 Հասկացությունների որոշում	-

	<p>1.5 Տվյալների առկայության ստուգում</p>	<p>Տեղեկատվության հավաքումն իրականացվում է.</p> <ul style="list-style-type: none"> <li>• Ձկնորսության և ձկնաբուծության ոլորտի վերաբերյալ՝ համատարած հաշվետվությունների միջոցով և վարչական աղբյուրից՝ ՀՀ էկոնոմիկայի նախարարության կողմից, որպես վարչական ռեգիստր:</li> <li>• Անտառային տնտեսության և գյուղատնտեսական տեխնիկայի հասանելիության վերաբերյալ՝ վարչական աղբյուրից՝ ՀՀ էկոնոմիկայի նախարարության կողմից, որպես վարչական ռեգիստր:</li> </ul>
	<p>1.6 Բիզնես մոդելի նախապատրաստում</p>	<p>Մինչև վիճակագրական հաշվետվական ձևի հաստատումը և վարչական վիճակագրական հաշվետվական ձևերին հավանություն տալը ՀՀ ՎՊԽ կողմից և ՀՀ արդարադատության նախարարության կողմից դրանց պետական գրանցումը, որպես նորմատիվ իրավական ակտեր, իրականացվում է դրանցում ներառված ցուցանիշների և դրանց վերաբերյալ լրացման հրահանգների մասով աշխատանքային քննարկումներ տարբեր շահագրգիռ մարմինների, գիտական կազմակերպությունների, օգտագործողների, իսկ հնարավորության դեպքում հաշվի է առնվում նաև միջազգային փորձագետների կարծիքը:</p>
<p><i>Նախագծում</i></p>		
	<p>2.1 Արդյունքների նախագծում</p>	<p>Տվյալները հավաքվում են «Պաշտոնական վիճակագրության մասին» օրենքի և «Հնգամյա վիճակագրական ծրագրի» հիման վրա, ինչպես նաև ՀՀ վիճակագրության պետական խորհրդի 2016թ. հունիսի 20-ի «Վիճակագրական տվյալների հավաքման կարգը հաստատելու մասին» թիվ 05-Ն և «Տարեկան վիճակագրական ծրագիրը հաստատելու մասին» որոշումների, ինչպես նաև. ՀՀ վիճակագրության պետական խորհրդի՝ 2019թ. հունվարի 25-ի թիվ 03-ն որոշմամբ հաստատված «Ձկնորսության և ձկնաբուծության մասին» ձև թիվ 1-ՁՈԻԿ ամսական վիճակագրական հաշվետվական ձևի և դրա լրացման հրահանգի հաստատման որոշման և անտառային տնտեսության ու գյուղատնտեսական տեխնիկայի վերաբերյալ տեղեկատվության հավաքման համար կազմված վարչական վիճակագրական հաշվետվությունների վրա:</p>
	<p>2.2 Փոփոխականների նկարագրությունների</p>	<p>Վիճակագրական ցուցանիշների հավաքման համար հաստատված վիճակագրական հաշվետվական ձևը</p>

	նախագծում	և վարչական վիճակագրական հաշվետվությունների ձևերը ներառում են ամսական՝ թվով 64, եռամսյակային՝ թվով 16, տարեկան՝ թվով 22, վիճակագրական ցուցանիշներ
	2.3 Տվյալների հավաքման նախագծում	Ձկնորսության և ձկնաբուծության վերաբերյալ վիճակագրական տեղեկատվության հավաքումն իրականացվում է ՀՀ վիճակագրության պետական խորհրդի կողմից հաստատված վիճակագրական հաշվետվական ձևի միջոցով: Անտառային տնտեսության և գյուղատնտեսական տեխնիկայի վերաբերյալ տեղեկատվության հավաքումն իրականացվում է վարչական աղբյուրից՝ ՀՀ էկոնոմիկայի նախարարության կողմից, որպես վարչական ռեզիստր:
	2.4 Գլխավոր համակցության և ընտրանքի նախագծում	Գլխավոր համակցության նախագծումն իրականացվում է ոլորտների վերաբերյալ ամբողջական տեղեկատվության ապահովման նպատակով: Այդ նպատակով իրականացվում է նախապես հայտնի ձկնորսությամբ և ձկնաբուծությամբ զբաղվող ոլորտի կազմակերպություններից տեղեկատվության ստացում: Տնտեսավարող սուբյեկտների ընդգրկումը և դրանց կողմից վիճակագրական տեղեկությունների պարտադիր տրամադրումն ամրագրված է վիճակագրության ոլորտը կարգավորող իրավական փաստաթղթերում: Գյուղատնտեսական տեխնիկայի վերաբերյալ տեղեկատվության հավաքումն ընդգրկում է ՀՀ ամբողջ տարածքը՝ ներառելով ՀՀ բոլոր մարզերը և համայնքները: Անտառային տնտեսության վերաբերյալ տեղեկատվությունը տրամադրում է ՀՀ էկոնոմիկայի նախարարության «Հայանտառ» ՊՈԱԿ-ը (մարզային կտրվածքով)՝ եռամսյակային պարբերականությամբ, որը Արմատատի համար համարվում է վարչական ռեզիստր:
	2.5 Մշակման և վերլուծության նախագծում	Ձկնորսության և ձկնաբուծության վերաբերյալ վիճակագրական տեղեկատվության հավաքումից հետո վիճակագրական ցուցանիշները ենթարկվում են թվաբանական և տրամաբանական ստուգումների, որոնց հիման վրա, իսկ անհրաժեշտության դեպքում նաև տեղեկատվություն ներկայացնող համապատասխան կազմակերպության հետ կապ հաստատելու միջոցով, իրականացվում են համապատասխան ճշգրտումներ: Ցուցանիշների վերաբերյալ ոչ արժանահավատ, թերի կամ աղավաղումներով

		<p>տեղեկատվության ներկայացման դեպքում համաձայն ՀՀ «Վարչական իրավախախտումների վերաբերյալ ՀՀ օրենսգրքի» 169.2 հոդվածի պահանջների ըստ անհրաժեշտության իրականացվում է նաև ստուգման գործընթաց, որի արդյունքում ճշգրտման են ենթարկվում ցուցանիշների վերաբերյալ նախորդող ժամանակաշրջանի տվյալները:</p> <p>Գյուղատնտեսական տեխնիկայի և անտառային տնտեսության վերաբերյալ, քանի որ տեղեկատվությունը հավաքվում է վարչական աղբյուրներից, իրականացվում է միայն ներկայցված տվյալների թվաքանակային ճշգրտումներ, եթե դրանց անձշտությունը բացահայտ երևում է:</p>
	2.6 Արտադրության համակարգերի և գործընթացի նախագծում	Վիճակագրական տեղեկատվության հավաքումից մինչև դրանց հրապարակումն իրականացվող բոլոր գործընթացների մասով կատարվում են նախապատրաստական աշխատանքներ, մասնավորապես կապված ռեսպոնդենտներին համապատասխան իրազեկումներով ապահովելու, աշխատակիցներին անհրաժեշտ մասնագիտական դասընթացների միջոցով վերապատրաստելու և այլնի հետ:
<i>Կառուցում</i>		
	3.1 Հավաքման գործիքի կառուցում	Տեղեկատվության հավաքման իրականացման և դրա համար անհրաժեշտ վիճակագրական հաշվետվական ձևերի և դրանց լրացման հրահանգների հասանելիության ապահովման համար առկա են ինչպես թղթային, այնպես էլ էլեկտրոնային միջոցներ (տես՝ <a href="https://www.armstat.am/am/?nid=547">https://www.armstat.am/am/?nid=547</a> հղումը):
	3.2 Գործընթացի բաղադրիչների կառուցում կամ ամրապնդում	Առկա են տեղեկատվության ստուգաճշտման համար անհրաժեշտ մեթոդական ցուցումներ ու հրահանգներ: Մուտքագրման ծրագրային ապահովման փաթեթում առկա են մուտքագրված տվյալների թվաքանակային ու տրամաբանական ստուգումների իրականացման համար անհրաժեշտ գործիքներ:
	3.3 Տարածման բաղադրիչների կառուցում կամ ամրապնդում	Տեղեկատվության տարածման համար առկա են ինչպես թղթային, այնպես էլ էլեկտրոնային տարբերակներով տեղեկատվության հրապարակման հնարավորություններ՝ ամսական, եռամսյակային և տարեկան պարբերականությամբ:
	3.4 Գործընթացների կարգավորում	Վիճակագրական արտադրանքի ստացումն իրականացվում է իրար հաջորդող հետևյալ փուլերով՝

		<ol style="list-style-type: none"> <li>1. տեղեկատվության հավաքում,</li> <li>2. թվաբանական և տրամաբանական ստուգումներ և ճշգրտումներ,</li> <li>3. տեղեկատվության մուտքագրում նախապես մշակված համակարգչային մուտքագրման ծրագրի միջոցով,</li> <li>4. ստացված ամփոփ տեղեկատվության համեմատում համապատասխան դինամիկ շարքերի հետ,</li> <li>5. տեղեկատվության տարածում՝ ինչպես թղթային, այնպես էլ էլեկտրոնային եղանակով:</li> </ol>
	<p>3.5 Արտադրության համակարգի փորձարկում</p>	<p>Պայմանավորված վիճակագրական հաշվետվական ձևում և վարչական վիճակագրական հաշվետվական ձևերում ցուցանիշների փոփոխությունների հետ մուտքագրման ծրագրային ապահովման փաթեթները պարբերաբար ենթարկվում են համապատասխան փոփոխությունների: Ըստ անհրաժեշտության իրականացվում է նաև ծրագրային ապահովման միջոցների թեստավորում:</p>
	<p>3.6 Վիճակագրական բիզնես գործընթացի փորձարկում</p>	<p>Վիճակագրական նոր ցուցանիշի վիճակագրական հաշվետվական ձևում և վարչական վիճակագրական հաշվետվական ձևերում ընդգրկմանը զուգահեռ իրականացվում է ցուցանիշի՝ վիճակագրական տեղեկատվություն տրամադրողի (ռեսպոնդենտի) ընկալման փորձարկում:</p>
	<p>3.7 Արտադրության համակարգի վերջնականացում</p>	<p>Իրականացվում են վիճակագրական հաշվետվական ձևում և վարչական վիճակագրական հաշվետվական ձևերում առկա ցուցանիշների լրացման վերաբերյալ մեթոդաբանական պարզաբանումների կազմում և տրամադրում վիճակագրական տեղեկատվություն տրամադրողին (ռեսպոնդենտին)՝ միաժամանակ օգտագործելով նաև կազմակերպության հետ համապատասխան մասնագետների բանավոր և էլեկտրոնային փոստի միջոցով շփումները:</p>
<p><i>Հավաքում</i></p>		
	<p>4.1 Գլխավոր համակցության և ընտրանքի ձևավորում</p>	<p>Տեղեկատվության հավաքման համատարած դիտարկման արդյունքում ձևավորվում է տեղեկատվության գլխավոր համակցությունը, որն իր մեջ ներառում է ձկնորսությամբ և ձկնաբուծությամբ զբաղվող կազմակերպությունից հավաքված տեղեկատվությունը: Անտառային տնտեսության և գյուղ.տեխնիկայի</p>

		անկայության վերաբերյալ տեղեկատվության հավաքման համատարած դիտարկման արդյունքում ձևավորվում է տեղեկատվության գլխավոր համակցությունը, որն իր մեջ ներառում է նշված ոլորտների վերաբերյալ (վարչական ռեգիստրից) հավաքված վիճակագրական տեղեկատվությունը:
	4.2 Հավաքման կազմակերպում	Վիճակագրական տեղեկատվության հավաքման կազմակերպման համար իրականացվում է դիտարկման ենթակա նախապես հայտնի կազմակերպության համար համապատասխան վիճակագրական ամփոփ հաշվետվական ձևի և ըստ անհրաժեշտության դրա լրացման հրահանգի տպագրության պատվերի ձևավորում, դրանց տպագրությունը և բաշխումը համապատասխան կազմակերպություններին: Միաժամանակ վիճակագրական հաշվետվական ձևերը ու դրանց լրացման հրահանգները հասանելի են նաև Արմստատի պաշտոնական կայքում: Առկա են էլեկտրոնային եղանակով հաշվետվությունների հավաքման համար անհրաժեշտ ցանցային միջոցներ: Ինչ վերաբերում է վարչական վիճակագրական հաշվետվական ձևերին ապա դրանց տպագրությունը և հասանելիության ապահովումը ռեսպոնդենտներին, ամբողջությամբ գտնվում է վարչական վիճակագրություն իրականացնող մարմնի իրավասության տակ:
	4.3 Հավաքման իրականացում	Վիճակագրական տեղեկատվության հավաքումն իրականացվում է Արմստատի կենտրոնական ապարատի համապատասխան կառուցվածքային ստորաբաժանումների միջոցով՝ առձեռն, փոստի և էլեկտրոնային համակարգի միջոցներով համաձայն 20.06.2016թ. ՀՀ ՎՊԽ «Վիճակագրական տվյալների հավաքման կարգը հաստատելու մասին» թիվ 05-Ն որոշման:
	4.4 Հավաքման վերջնականացում	Հավաքված տեղեկատվությունը թվաբանական և տրամաբանական ստուգաճշտման ենթարկվելուց հետո մուտքագրվում է էլեկտրոնային միջավայր: Տեղեկատվության մուտքագրումը իրականացվում է ինչպես մեխանիկական, այնպես էլ տեղեկատվությունը էլեկտրոնային միջավայր անմիջապես ներածելու եղանակով:
	<i>Մշակում</i>	
	5.1 Տվյալների ինտեգրում	Իրականացվում է Արմստատ հավաքվող և վարչական աղբյուրներից ստացվող

		տեղեկատվության միավորում մեկ միասնական տվյալների բազայում, որի արդյունքում բացառվում են կրկնությունները:
	5.2 Դասակարգում և կոդավորում	Իրականացվում է ըստ կազմակերպության գործունեության հիմնական տեսակի կոդավորման աշխատանքներ համաձայն Տնտեսական գործունեության տեսակների դասակարգչի (NACE, rev 2), ինչպես նաև մարզային և տարածքային միավորների կոդավորում՝ համաձայն նախապես սահմանված կարգի:
	5.3 Վերանայում և հաստատում	Իրականացվում է թերի կամ աղավաղումներով ներկայացված տեղեկատվության ստուգաձշտում, ինչպես նաև ոչ ճիշտ կոդավորված տեղեկատվության համապատասխանեցում նախապես հաստատված դասակարգիչների պահանջներին: Ըստ անհրաժեշտության իրականացվում է նաև կազմակերպության պետական ռեգիստրում գրանցման, նույնականացման և հարկային մարմնում գրանցման համապատասխան կոդերի վավերացում՝ օգտագործելով Արմստատի կողմից վարվող բիզնես ռեգիստրի և որպես վարչական տեղեկատվության աղբյուր օգտագործվող ՀՀ արդարադատության նախարարության իրավաբանական անձանց պետական գրանցում իրականացնող մարմնի կողմից տրամադրված տեղեկատվությունը:
	5.4 Խմբագրում և իմպուտացիա	Իրականացվում է բացակայող տեղեկատվության համալրում ցուցանիշների նախորդ ժամանակահատվածի վերաբերյալ ներկայացված տվյալներով՝ դրանց վերաբերյալ այլընտրանքային տեղեկատվության բացակայության դեպքում: Համալրված տեղեկատվությունը հաջորդող ժամանակահատվածում տվյալների առկայության պարագայում ենթակա է ճշգրտման: Դա վերաբերում է նաև վարչական աղբյուրներից հավաքվող տեղեկատվությանը:
	5.5 Նոր փոփոխականների և միավորների ձևավորում	Առկա են գնահատումներ և լրահաշվարկներ այլ ցուցանիշների հաշվարկման համար
	5.6 Կշիռների հաշվարկում	Քանգի ձկնաբուծության վերաբերյալ հավաքված տեղեկատվությունը ապահովում է ոլորտի վիճակագրության ամբողջականությունը, ուստի լրացուցիչ կշիռների հաշվարկման անհրաժեշտություն չի առաջանում: Նույնը վերաբերում է նաև վարչական աղբյուրներից հավաքվող տեղեկատվությանը:

	5.7 Ագրեգատների հաշվարկում	Մուտքագրված տեղեկատվության հիման վրա իրականացվում է ամփոփ տվյալների ստացում ըստ առանձին վիճակագրական ցուցանիշների՝ նախապես մշակված համակարգչային ծրագրի միջոցով:
	5.8 Տվյալների ֆայլերի վերջնականացում	Հաճախ, ելնելով օպերատիվ վիճակագրական տվյալների ստացման անհրաժեշտությունից, նախնական տեղեկատվության հիման վրա կատարվում է նախնական ցուցանիշների հաշվարկ, որոնք հետագայում ենթակա են ճշգրտման:
Վերլուծություն		
	6.1 Նախնական արդյունքների նախապատրաստում	<p>Ստացված ամփոփ տեղեկատվության հիման վրա իրականացվում է վիճակագրական ցուցանիշների խմբավորումների, ինչպես նաև դինամիկ շարքերի կառուցում: Մասնավորապես.</p> <p>Ձկնորսության և ձկնաբուծության ոլորտում հաշվարկվում են հիմնական ցուցանիշները՝ կատարվել է որս, իրացվել է, բուծվել է և այլն:</p> <p>Անտառային տնտեսության ոլորտում՝ անտառաբուծություն, փայտամթերում, վայրի բույսերի և անտառային մթերքի մթերում և անտառաբուծության և փայտամթերումների բնագավառում մատուցված ծառայություններ, դրանց հիման վրա հաշվարկվում է անտառաբուծության համախառն արտադրանքը (եռամսյակային կտրվածքով):</p> <p>Գյուղ. տեխնիկայի առկայության ոլորտում տեղեկատվությունը հավաքվում է ըստ գյուղատնտեսական տեխնիկայի հետևյալ տեսակների՝ տրակտորներ, բեռնատար ավտոմեքենաներ, հացահատիկահավաք կոմբայններ, տրակտորային կցասայլեր, տրակտորային խոտհնձիչներ, կերահավաք կոմբայններ, հատիկագոտիչ մեքենաներ, տրակտորային շարքացաններ, տրակտորային գութաններ, կուլտիվատորներ, հավաքիչ-մամլիչներ:</p> <p>Գյուղատնտեսական տեխնիկայի վիճակագրությունն ընդգրկում է ըստ տեխնիկայի առանձին տեսակների առկայության և սարքինության մակարդակի վերաբերյալ վիճակագրությունը:</p> <p>Ստացված ցուցանիշների հաշվարկը օգտագործվում է ցուցանիշների դինամիկ շարքերի կառուցման համար:</p>
	6.2 Արդյունքների վավերացում	Ցուցանիշների ստացման ողջ ընթացքում խստորեն պահպանվում են դրանց ստացման մեթոդաբանական պահանջները՝ համաձայն



		նախապես սահմանված դասակարգումների, մեթոդաբանական ուղեցույցների և վիճակագրական հաշվետվական ձևի լրացման հրահանգի:
	6.3 Արդյունքների մեկնաբանում և բացատրում	Ամփոփ ցուցանիշների ստացումից հետո իրականացվում է դրանց տրամաբանական վերլուծում՝ օգտագործելով տնտեսությունում տեղի ունեցող տարաբնույթ երևույթների ազդեցությունը նշված ոլորտի վրա:
	6.4 Բացահայտման հսկողության կիրառում	Խստորեն պահպանվում են ինչպես հրապարակման ենթակա, այնպես էլ վիճակագրական տեղեկատվության օգտագործողների կողմից հայցվող վիճակագրական ցուցանիշների գաղտնիությունը, այն է դրանց զերծ լինելը անհատական (անվանական) տեղեկություններից, համաձայն «Պաշտոնական վիճակագրության մասին օրենքի» և 2001 թվականի հունիսի 25-ի «Վիճակագրական գաղտնիքի պահպանման կարգը հաստատելու մասին» ՀՀ ՎՊԽ N 53 որոշման (տես՝ <a href="http://www.armstat.am/file/doc/99454478.pdf">http://www.armstat.am/file/doc/99454478.pdf</a> հղումը):
	6.5 Արդյունքների վերջնականացում	Մինչ ամփոփ տեղեկատվության տարածումն իրականացվում է ձկնորսության և ձկնաբուծության, անտառային տնտեսության, գյուղ. տեխնիկայի առկայության վերաբերյալ ամփոփ ցուցանիշների վերլուծություն՝ ըստ դրանց դինամիկ շարքերի:
	<i>Տարածում</i>	
	7.1 Ելքային համակարգերի արդիականացում	Իրականացվում են հրապարակման ենթակա վիճակագրական ցուցանիշների վերաբերյալ համապատասխան աղյուսակների պատրաստում և վերջնական ճշգրտման աշխատանքներ, ինչպես նաև կատարվում է դինամիկ շարքերի արդիականացում: Անհրաժեշտության դեպքում նաև փոփոխություններ և/կամ լրացումներ են կատարվում համապատասխան ցուցանիշի հասկացություններում և մեթոդաբանական պարզաբանումներում:
	7.2 Տարածման արտադրանքների արտադրում	Տարածվող արտադրանքների համար իրականացվում են արտադրման բոլոր քայլերը՝ բացատրական տեքստի, աղյուսակների, գծապատկերների, քարտեզների և այլ նյութերի նախապատրաստում, այդ արտադրանքների խմբագրում և դրանց համապատասխանեցում հրապարակման ստանդարտներին: Վիճակագրական ցուցանիշների վերաբերյալ տեղեկատվությունը հայերեն, անգլերեն և ռուսերեն

		<p>լեզուներով հրապարակվում է ներքոհիշյալ տարեգրքերի, վիճակագրական ժողովածուների, տեղեկատվական ամսական զեկույցների, վիճակագրական տեղեկագրերի միջոցով.</p> <ol style="list-style-type: none"> <li>1. Հայաստանի վիճակագրական տարեգիրք (տես՝ <a href="https://www.armstat.am/am/?nid=586">https://www.armstat.am/am/?nid=586</a> հղումը):</li> <li>2. Հայաստանի Հանրապետության մարզերը և Երևան քաղաքը թվերով (տես՝ <a href="https://www.armstat.am/am/?nid=80&amp;id=2203">https://www.armstat.am/am/?nid=80&amp;id=2203</a> հղումը):</li> <li>3. Հայաստանը թվերով (տարեկան) (տես՝ <a href="https://www.armstat.am/am/?nid=80&amp;id=2219">https://www.armstat.am/am/?nid=80&amp;id=2219</a> հղումը):</li> <li>4. Հայաստանի Հանրապետության սոցիալ-տնտեսական վիճակը (ամսական) (տես՝ <a href="https://www.armstat.am/am/?nid=82">https://www.armstat.am/am/?nid=82</a> հղումը):</li> </ol>
	<p>7.3 Տարածման արտադրանքների թողարկման կառավարում</p>	<p>Վիճակագրական տեղեկատվության տարածումը կատարվում է համապատասխան Արմստատի հնգամյա և տարեկան վիճակագրական ծրագրերով նախատեսված ժամանակացույցի: Վիճակագրական տեղեկատվություն ներկայացնողների կողմից ցուցանիշների վերաբերյալ տեղեկատվության փոփոխման կամ ճշգրտումների կատարման դեպքում համապատասխան փոփոխությունների և ճշգրտումների են ենթարկվում նաև Արմստատի կողմից արդեն իսկ հրապարակված ցուցանիշները:</p>
	<p>7.4 Տարածման արտադրանքների խթանում</p>	<p>Արմստատի պաշտոնական կայքում ներկայացված տարատեսակ տեղեկատվությունը (ցուցանիշներ, մեթատվյալներ, իրազեկումներ, ոլորտի վերաբերյալ նորություններ, տվյալների բազաներ և այլն) ոչ միայն միջոց է վիճակագրական, այլ նաև՝ Արմստատի գործունեության վերաբերյալ տեղեկատվության տարածմանը, ինչը խթանում է ոլորտի գործունեության արդյունավետության բարձրացմանը:</p>
	<p>7.5 Օգտագործողների աջակցության կառավարում</p>	<p>Վիճակագրական տեղեկատվություն օգտագործողների կողմից չհրապարակվող ցուցանիշների վերաբերյալ տեղեկատվության պաշտոնական հայցման դեպքում հնարավորության սահմաններում իրականացվում է լրացուցիչ ցուցանիշների հաշվարկ և տրամադրում նրանց՝ միաժամանակ պահպանելով վիճակագրական տեղեկատվության նկատմամբ գաղտնիության սկզբունքը:</p>

<i>Գնահատում</i>		
	8.1 Գնահատման միջոցների հավաքում	Ըստ անհրաժեշտության իրականացվում է միննույն աղբյուրից և/կամ համապատասխան կազմակերպությունների վերաբերյալ վարչական ռեգիստրներից ստացվող տեղեկատվության հավաքում՝ համեմատություններ իրականացնելու նպատակով:
	8.2 Գնահատման իրականացում	Տեղեկատվության որակի գնահատման համար տեղեկատվական հիմք են հանդիսանում ՀՀ արդարադատության նախարարության պետական ռեգիստրում գրանցված ձկնորսություն և ձկնաբուծություն իրականացնող իրավաբանական անձանց և անհատ ձեռնարկատերերի կողմից տրամադրվող տեղեկատվությունը և ՀՀ էկոնոմիկայի նախարարության կողմից՝ որպես վարչական ռեգիստր, տրամադրվող համապատասխան տեղեկատվությունը: Վարչական աղբյուրներով հավաքվող վիճակագրական տվյալների գնահատում հիմնականում չի իրականացվում:
	8.3 Գործողությունների ծրագրի համաձայնեցում	Համեմատվող միննույն ցուցանիշի վերաբերյալ, տարբեր աղբյուրներից ստացվող տեղեկատվության միջև անհամապատասխանությունների հայտնաբերման դեպքում իրականացվում է դրանց հնարավոր պատճառների բացահայտում, որի հիման վրա իրականացվում են համապատասխան վերջնական ճշգրտման աշխատանքներ: